



0036 Երևան, Ալիխանյան փողոցների 2, հեռ. (37410) 341 500, ֆաքս (37410) 349 392 • 2 Br. Alikhanyan str., 0036 Yerevan, tel: (37410) 341 500, fax: (37410) 349 392

N 65

09.12.2024թ.

Ո Ր Ո Շ ՈՒ Մ

«Ա. Ի. ԱԼԻԽԱՆՅԱՆԻ ԱՆՎԱՆ ԱԶԳԱՅԻՆ ԳԻՏԱԿԱՆ ԼԱԲՈՐԱՏՈՐԻԱ» ՀԻՄՆԱԴՐԱՄԻ ՏՆՕՐԵՆԻ

ՄԱՍՆԱԿՑԻՆ ԳՆՈՒՄՆԵՐԻ ԳՈՐԾԸՆԹԱՅԻՆ ՄԱՍՆԱԿՑԵԼՈՒ ԻՐԱՎՈՒՆՔ
ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

«Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասով սահմանված պահանջների համաձայն, ուսումնասիրելով ԱԱԳԼ-ԳՀԱՇՁԲ-24/60 ծածկագրով գնման ընթացակարգի (այսուհետ՝ Ընթացակարգ) շրջանակներում առկա «ԳՐԻՆ ԼԱՅՖ ԳՐՈՒՊ» ՍՊԸ-ին (այսուհետ՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով ներկայացված հիմքերը, պարզեցի հետևյալը.

1. Գնման ընթացակարգի շրջանակներում Պատվիրատուի ղեկավարին ներկայացրած փաստերը և պահանջը.

Գնահատող հանձնաժողովը Պատվիրատուի ղեկավարին ուղղված զեկուցագրով հայտնել է հետևյալը.

«Ա. Ի. Ալիխանյանի անվան ազգային գիտական լաբորատորիա» հիմնադրամի /այսուհետ նաև՝ հիմնադրամ/ կարիքների համար 2024 թվականի նոյեմբերի 12-ին հայտարարված ընթացիկ նորոգման աշխատանքների ձեռքբերման ԱԱԳԼ-ԳՀԱՇՁԲ-24/60 ծածկագրով գնման ընթացակարգի (այսուհետ՝ Ընթացակարգ) արդյունքում՝ 1-ին չափաբաժնի մասով մասնակցության հայտ ներկայացրած մասնակցի՝ «ԳՐԻՆ ԼԱՅՖ ԳՐՈՒՊ» ՍՊԸ-ի (ՀՎՀՀ 05563046, էլեկտրոնային փոստի հասցե՝ ando050890@mail.ru, հեռախոսահամար՝ +37494410606) կողմից ներկայացրած հայտի գնահատման արդյունքում արձանագրվել են Ընթացակարգի հրավերի պահանջների նկատմամբ անհամապատասխանություններ՝

- ԳՐԻՆ ԼԱՅՖ ԳՐՈՒՊ ՍՊԸ-ի հայտում ներառված ընթացակարգի մասնակցության դիմումում՝ համաձայն հրավերի հավելված 1-ի, հղումով ներկայացված կայքէջը չի պարունակում «ԳՐԻՆ ԼԱՅՖ ԳՐՈՒՊ» ՍՊԸ-ի իրական շահառուների վերաբերյալ տեղեկություններ: ԱԱԳԼ-ԳՀԱՇՁԲ-24/60 ծածկագրով գնման ընթացակարգի հրավերի համաձայն՝ անհատ ձեռնարկատեր կամ ֆիզիկական անձ չհանդիսացող ՀՀ ռեզիդենտ հանդիսացող մասնակիցը դիմում հայտարարությունը լրացնելիս պետք է նշի «Իրավաբանական անձանց պետական գրանցման, իրավաբանական անձանց ստորաբաժանումների, հիմնարկների և անհատ ձեռնարկատերերի պետական հաշվառման մասին» օրենքի համաձայն՝ իրավաբանական անձանց պետական ռեգիստրի գործակալությունում գրանցած՝ իր իրական շահառուների վերաբերյալ տեղեկություններ պարունակող կայքէջի հղումը:

Ընթացակարգի հրավերի 1-ին մասի 8-րդ բաժնի 8.9 կետի համաձայն «ԳՐԻՆ ԼԱՅՖ ԳՐՈՒՊ» ՍՊԸ-ին համակարգի միջոցով ներկայացվել է ծանուցում՝ առաջարկելով սահմանված կարգով շտկել արձանագրված անհամապատասխանությունները, սակայն շտկման համար նախատեսված ժամկետի ավարտից հետո արձանագրվել է, որ ԳՐԻՆ ԼԱՅՖ ԳՐՈՒՊ» ՍՊԸ-ի կողմից սահմանված կարգով չեն ներկայացվել շտկման ենթակա փաստաթղթերի շտկված տարբերակները:

Վերոգրյալով պայմանավորված սույն թվականի նոյեմբերի 29-ին ԱԱԳԼ-ԳՀԱՇՁԲ-24/60 ծածկագրով գնման ընթացակարգի գնահատող հանձնաժողովի կողմից «ԳՐԻՆ ԼԱՅՖ ԳՐՈՒՊ» ՍՊԸ-ի հայտը գնահատվել է անբավարար և մերժվել:

Հիմք ընդունելով «Գնումների մասին» ՀՀ օրենքի 6-րդ հոդվածի 1-ին և 2-րդ մասերով սահմանված պահանջները, առաջարկում ենք «ԳՐԻՆ ԼԱՅՖ ԳՐՈՒՊ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել որոշում և հիշյալ որոշումը գրավոր ուղարկել ՀՀ ֆինանսների նախարարություն:

2. Գործի քննության համար էական նշանակություն ունեցող փաստերը.

Ընթացակարգի քննության համար էական նշանակություն ունեն հետևյալ փաստերը.

1. Հիմնադրամի կարիքների համար 12.11.2024թ-ին հայտարարված Ընթացակարգի արդյունքում՝ 1-ին չափաբաժնի մասով մասնակցության հայտ ներկայացրած մասնակցի կողմից ներկայացված հայտի գնահատման արդյունքում

արձանագրվել են Ընթացակարգի հրավերի պահանջների նկատմամբ անհամապատասխանություններ և Ընթացակարգի հրավերի 1-ին մասի 8-րդ բաժնի 8.9 կետի համաձայն «ԳՐԻՆ ԼԱՅՖ ԳՐՈՒՊ» ՍՊԸ-ին համակարգի միջոցով ներկայացվել է ծանուցում՝ առաջարկելով սահմանված կարգով շտկել արձանագրված անհամապատասխանությունները, սակայն շտկման համար նախատեսված ժամկետի ավարտից հետո արձանագրվել է որ «ԳՐԻՆ ԼԱՅՖ ԳՐՈՒՊ» ՍՊԸ-ի կողմից չեն իրականացվել շտկման ենթկա փաստաթղթերի շտկում:

2. 29.11.2024թ-ին ԱԱԳԼ-ԳՀԱՇՁԲ-24/60 ծածկագրով գնման ընթացակարգի գնահատող հանձնաժողովի կողմից «ԳՐԻՆ ԼԱՅՖ ԳՐՈՒՊ» ՍՊԸ-ի հայտը գնահատվել է անբավարար և մերժվել:

3. Պատվիրատուի ղեկավարի հիմնավորումները և եզրահանգումը.

Հիմնադրամի տնօրեն Գ. Քառյանս (այսուհետ՝ Պատվիրատուի ղեկավար), ուսումնասիրելով ընթացակարգի շրջանակներում առկա փաստաթղթերը, հայտնում են հետևյալը.

Օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը,

բ. որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Օրենքի 6-րդ հոդվածի 2-րդ մասի համաձայն Գնումների գործընթացին մասնակցելու իրավունք չունեցող մասնակիցների ցուցակը, այդ թվում՝ ուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած

հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Հայաստանի Հանրապետության կառավարության 2017 թվականի մայիսի 04-ի N 526-Ն որոշման 1-ին կետով հաստատված կարգի (այսուհետ՝ կարգ) 32-րդ կետի 19-րդ ենթակետի համաձայն՝ եթե մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման կամ պայմանագրի ապահովումը կամ համաձայնագիրը կնքելու նպատակով պայմանագիրը կնքած անձը չի փոխարինում տուժանքի ձևով ներկայացված որակավորման կամ պայմանագրի ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Գնումների պաշտոնական տեղեկագրում հրապարակված՝ պատվիրատուների կողմից տրված հարցադրումների վերաբերյալ ՀՀ Ֆինանսների նախարարության կողմից ներկայացված պարզաբանումների 26-րդ կետի համաձայն եթե մասնակցին սահմանված կարգով տրվում է հայտը շտկելու հնարավորություն և արձանագրված անհամապատասխանությունները վերջինիս կողմից չշտկելու և/կամ շտկման արդյունքում ևս անհամապատասխանություն արձանագրվելու պարագայում մասնակցի հայտը մերժվում է, և այդ հանգամանքը կարգի 32-րդ կետի 19-րդ ենթակետի իմաստով որակվում է, որպես գնման գործընթացի շրջանակում ստանձնված պարտավորության խախտում, ինչի հետևանքով օրենքի 6-րդ հոդվածի 1-ին մասի 6-րդ կետի «ա» ենթակետով սահմանված հիմքով (այն է՝ խախտել է գնման գործընթացի շրջանակում ստանձնված պարտավորությունը, որը հանգեցրել է գնման գործընթացին տվյալ մասնակցի հետագա մասնակցության

դադարեցմանը և մասնակիցը հրավերով սահմանված ժամկետում չի վճարել հայտի ապահովման գումարը,) պատվիրատուի ղեկավարը կայացնում է այդ մասնակցին նշված ցուցակում ներառելու որոշում:

Այսպիսով՝

Ուսումնասիրելով ներկայացված հիմքերը, դրանք համադրելով առկա ապացույցների հետ՝ արձանագրում եմ, որ «ԳՐԻՆ ԼԱՅՖ ԳՐՈՒՊ» ՍՊԸ-ը թույլ է տվել Օրենքի 6-րդ հոդվածի 1-ին մասի 6-րդ կետի «ա» ենթակետի խախտում, քանի որ խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:

Օրենքի 6-րդ հոդվածի 2-րդ մասի համաձայն ՀՀ ֆինանսների նախարարությունը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում Պատվիրատուի ղեկավարի պատճառաբանված որոշման հիման վրա:

Օրենքի 6-րդ հոդվածի 2-րդ մասի համաձայն Մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով՝

Ո Ր Ո Շ Ե Ց Ի

1. Ներկայացրած հիմքերը՝ «ԳՐԻՆ ԼԱՅՖ ԳՐՈՒՊ» ՍՊԸ-ին գնումների գործընթացին մասնակցելու իրավունք չունեցողների ցուցակում ներառելու համար, գնահատել բավարար:

2. «ԳՐԻՆ ԼԱՅՖ ԳՐՈՒՊ» ՍՊԸ-ի ներքոնշյալ տվյալները համապատասխան հիմքերով գրավոր ուղարկել լիազորված մարմինն՝ ՀՀ ֆինանսների նախարարությանը, «ԳՐԻՆ ԼԱՅՖ ԳՐՈՒՊ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով.

Մասնակցի						
Անվանում ը	ՀՎՀՀ/ֆիզ. անձի դեպքում հանրային ծառայության և համարանիշ ը	գործունեության և հասցեն	գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատու ի ղեկավարի կայացրած որոշման ամսաթիվը և գնման ընթացակարգ ի ծածկագիրը
			խախտել է գնման գործընթացի չրջանակում ստանձնած պարտավորություն ը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորություն ը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ գրկվել է պայմանագի ր կնքելու իրավունքից	
«ԳՐԻՆ ԼԱՅՖ ԳՐՈՒՊ» ՍՊԸ	05563046	ՇԻՐԱԿ ԳՅՈՒՄՐԻ ԳՅՈՒՄՐԻ ՀՆՈՑԱՎԱՆ 1 ՇԱՐՔ 13	X			09.12.2024թ. ԱԱԳԼ- ԳՀԱՇՁԲ-24/60

3. Սույն որոշումն ուժի մեջ է մտնում ստորագրման օրվան հաջորդող օրը:

ՏՆՕՐԵՆ՝



Գ. ՔԱՌՅԱՆ